

Patient Education

Mga Test Para sa COVID-19

You must carefully read the "Consumer Information Use and Disclaimer" below in order to understand and correctly use this information

Bakit ginagawa ang operasyong ito?

Ang Coronavirus disease 2019 ay kilala rin bilang COVID-19. Ito ay sanhi ng virus na tinatawag na SARS-associated coronavirus (SARS-CoV-2). Maaaring humiling ng mga pagsusuri ang mga doktor para malaman kung kasalukuyan kang may COVID-19. Maaari din silang magsagawa ng pagsusuri kung dati kang nagkaroon ng COVID-19.

Mahalagang maunawaan ang uri ng pagsusuring gagawin mo. Gumagamit ang mga doktor ng viral test para malaman kung may COVID-19 ka. Kadalasang gumagamit dito ng swab sa ilong o lalamunan. Ang pagsusuri sa dugo ay isa pang uri ng COVID-19 test para malaman kung gumawa ng mga antibody sa virus ang iyong katawan. Kung mayroon kang mga antibody, nangangahulugan ito na nagkaroon ka ng virus dati o nabakunahan ka na.

Anu-ano ang magiging kalalabasan?

Viral Test (Swab sa Ilong o Lalamunan):

- Titingnan ng doktor ang mga resulta ng iyong pagsusuri. Maaaring malaman ng doktor na mayroon kang mga senyales ng isang karamdaman. Maaaring mabilis na kumalat ang karamdamang ito sa iba o maaaring may mas malaking panganib na magkaroon ka ng malalang sakit.
- Kung positibo ang mga resulta, nangangahulugan itong may aktibo kang impeksiyon. Maaaring mayroon o wala kang sintomas ng sakit.
- Kung negatibo ang mga resulta, malamang na wala kang impeksiyon noong nagpasuri ka. Maaaring nakolekta ang sample noong pasimula pa lang ang impeksiyon mo. Maaaring mula sa iba pang uri ng karamdaman ang iyong mga sintomas. Hindi ito nangangahulugang hindi ka mahahawahan ng COVID-19. Maaaring mag-atas ng isa pang pagsusuri ang iyong doktor kung patuloy kang magkakaroon ng mga senyales ng COVID-19.

Pagsusuri sa Dugo (Pagsusuri sa Antibody):

- Titingnan ng doktor ang mga resulta ng iyong pagsusuri.

- Kung positibo ang mga resulta, nangangahulugan itong minsan ka nang nahawahan ng COVID-19 o nabakunahan ka na. Maaaring immune ka sa sakit, pero hindi alam ng mga doktor kung protektado ka mula sa pagkakasakit ulit o kung gaano katagal kang protektado.
- Kung negatibo ang mga resulta, nangangahulugan itong hindi gumawa ang iyong katawan ng mga antibody sa COVID-19. Kadalasan, nangangahulugan itong hindi ka nahawahan ng impeksiyon. Maaari din itong mangahulugang nahawahan ka ng impeksiyon kamakailan at hindi pa nakakagawa ng mga antibody ang iyong katawan.
- Kapaki-pakinabang ang pagsusuring ito para matulungan ang mga opisyal sa pampublikong kalusugan na subaybayan ang sakit. Hindi ito gaanong kapaki-pakinabang para masabi kung mayroon kang aktibong impeksiyon.

Ano ang mangyayari bago ang operasyon?

- Walang gagawing mga espesyal na bagay bago ang pagsusuri.
- Kausapin ang iyong doktor tungkol sa:
 - Lahat ng ginagamit mong gamot
 - Kung mayroon kang anumang problema sa pagdurugo

Ano ang nangyayari habang isinasagawa ang operasyon?

Tatagal lang nang ilang minuto ang pagsasagawa sa pagsusuring ito. Mananatili kang gising sa buong proseso ng pagsusuri.

- **Viral test:** Magpapasok ang isang miyembro ng mga tauhan ng swab sa iyong ilong at iikutin niya ito sa loob. Kung minsan, isa-swab ng tauhan ang dalawang bahagi ng iyong ilong o ang iyong lalamunan. Maaaring hilingin sa iyo ng tauhan na ikaw mismo ang gumawa nito. Maaaring hindi ito kumportable pero saglit lang ito.
- **Pagsusuri sa dugo:** Kukunan ka ng tauhan ng kaunting dugo gamit ang karayom. Maaaring makaramdam ka ng kaunting pananakit. Tatanggalin ng tauhan ang karayom at lalagyan niya ng benda ang iyong balat. Kung minsan, tutusukin ng tauhan ang iyong daliri at magkokolekta lang siya ng kaunting dugo para sa pagsusuri.

Ano ang mangyayari pagkatapos ng operasyon?

- Mainam kung tahimik kang uupo sa loob ng ilang minuto bago tumayo. Makakatulong ito para hindi ka mahilo pagkatapos ng pagsusuri.
- Kung isinagawa sa iyo ang pagsusuri sa dugo, diinan ng kabilang kamay ang bahagi kung saan itinusok ang karayom. Makakabawas ito sa pagpapasa at pagdurugo.
- Itanong sa iyong doktor kung kailan mo makukuha ang mga resulta.

Anong pangangalaga ang kailangang gawin sa bahay?

Kung sa palagay mo ay mayroon kang COVID-19 o kung nalantad ka sa isang taong mayroon nito, huwag lumapit sa iba sa loob ng hindi bababa sa 14 na araw.

Anong kasunod na pangangalaga ang kailangang gawin?

Maaaring hilingin sa iyo ng iyong doktor na magpatingin sa klinika para matingnan ang progreso mo. Tiyaking pumunta sa mga pagpapatinging ito.

Anu-anong problema ang maaaring mangyari?

- Pananakit
- Pagpapasa
- Pagdurugo
- Pagkahilo

Impormasyon sa Paggamit ng Mamimili at Pagtatatwa:

Ang impormasyong ito ay hindi partikular na payong medikal at hindi pamalit sa impormasyong nakukuha mo sa iyong provider ng pangangalagang pangkalusugan. Isa lang itong maikling buod ng pangkalahatang impormasyon. HINDI kasama rito ang lahat ng impormasyon tungkol sa mga kundisyon, karamdaman, pinsala, pagsusuri, procedure, paggagamot, therapy, tagubilin sa paglabas ng ospital, o paraan ng pamumuhay na maaaring naaangkop sa iyo. Dapat kang makipag-usap sa iyong provider ng pangangalagang pangkalusugan para sa kumpletong impormasyon tungkol sa mga opsyon mo sa kalusugan at paggagamot. Hindi dapat gamitin ang impormasyong ito bilang batayan ng pagtanggap o hindi pagtanggap sa payo, mga tagubilin, o mga rekomendasyon ng iyong provider ng pangangalagang pangkalusugan. Ang provider mo lang ng pangangalagang pangkalusugan ang may kaalaman at pagsasanay na magbigay ng payong naaangkop sa iyo. <https://www.wolterskluwer.com/en/know/clinical-effectiveness-terms>

Last Updated 4/13/22



© 2022 UpToDate, Inc. and its affiliates and/or licensors. All rights reserved.